




# საშურის მოახბე



№14 (296)

26 მაისი, ოთხშაბათი, 2021 წელი



## 26 მაისი ის ქვაკუთხედია, რომელზეც დამყარებულია ჩვენი ქვეყნის დამოუკიდებლობა და სახელმწიფოებრიობა

ჩვენი მუნიციპალიტეტის თითოეულ მოქალაქეს ვულოცავთ საქართველოს დამოუკიდებლობის დღეს - 26 მაისს.

26 მაისი ჩვენი ქვეყნისთვის უმნიშვნელოვანესი თარიღია. არაერთი თაობა იბრძოდა საქართველოს თავისუფლების მოპოვებისთვის. 1918 წლის 26 მაისს ეს ბრძოლა საქართველოს დამოუკიდებლობის გამოცხადებით დაგვირგვინდა.

სამწუხაროდ, პირველი ქართული რესპუბლიკის არსებობა ხანმოკლე აღმოჩნდა, თუმცა, ჩვენს ხალხს არ შეუწყვეტია ფიქრი სამშობლოს დამოუკიდებლობაზე. ყველა თაობა გულით და გონებით ატარებდა ამ იდეას. 26 მაისი ის ქვაკუთხედია, რომელზეც დამყარებულია ჩვენი ქვეყნის დამოუკიდებლობა და სახელმწიფოებრიობა.

გილოცავთ ამ დიდ დღესასწაულს, გისურვებთ ბედნიერებას, ქვეყნის წინსვლასა და თავისუფალი საქართველოს სამსახურს.

საშურის მუნიციპალიტეტის მერია

## კვირფასო თანამოქალაქენო!

გილოცავთ 26 მაისს, საქართველოს დამოუკიდებლობის დღეს. 1918 წელს, ამ დღეს საქართველოს პირველ დემოკრატიულ რესპუბლიკას ჩაეყარა საფუძველი.

26 მაისი ყველაზე ძვირფასი დღეა ჩვენს ცნობიერებაში. ამ დღისთვის იბრძოდნენ თაობები, ჩვენი დიდი წინაპრები. დამოუკიდებლობისათვის ბრძოლა მიმდინარეობდა ჩვენი მუნიციპალიტეტის ტერიტორიაზეც, სოფელ ოსიაურთან.

სამშობლოს გათავისუფლების იდეისთვის ბრძოლას უკვალოდ არ ჩაუვლია - 103 წლის წინ, 1918 წლის 26 მაისს, თავი დაეღწიეთ რუსულ ოკუპაციას, ასრულდა ყველა ქართველის სანუკვარი ოცნება და ჩვენმა ქვეყანამ დამოუკიდებლობა მოიპოვა.

დღეს კიდევ ერთხელ მივაგებთ პატივს მათ, ვინც თავი შესწირა საქართველოს დამოუკიდებლობას. გვჯერა, საქართველო კვლავ დაიბრუნებს დაკარგულ ტერიტორიებს, მოიპოვებს თავისუფლებას და ჩვენს აფხაზ და ოს ძმებთან ერთად ისევ შევძლებთ ცხოვრებას გამთლიანებულ და ძლიერ საქართველოში! კიდევ ერთხელ გილოცავთ დამოუკიდებლობის დღეს! გისურვებთ ბედნიერებას, ქვეყნის წინსვლასა და თავისუფალ საქართველოში ცხოვრებას.

საშურის მუნიციპალიტეტის საკრებულო

## სურამი საკურორტო სეზონს განახლებული საგზაო ინფრასტრუქტურით უმასპინძლებს

სურამში საგზაო ინფრასტრუქტურული სამუშაოები მიმდინარეობს. მათ შორის, უკვე დასრულდა ამაღლებისა და სააჯიშვილის ქუჩების რეაბილიტაცია, ხოლო უახლოეს პერიოდში დასრულდება მათიაშვილის ქუჩის მოწყოლა. პროექტი ადგილობრივი ბიუჯეტიდან დაფინანსდა. სამივე პროექტზე ერთად 500



000 ლარზე მეტი დაიხარჯება. სამუშაოები მოიცავს ასფალტის საფარისა და სანიაღვრე სისტემების მოწყოლას.

სარეაბილიტაციო სამუშაოები შიდა ქართლის სახელმწიფო რწმუნებულმა მამუკა სალარეიშვილმა ადგილობრივი თვითმმართველობის წარმომადგენ-

ლებთან ერთად დაათვალიერა და ადგილობრივებსაც შეხვდა. „საგზაო ინფრასტრუქტურის გარდა, სარაჯიშვილის ქუჩის მცხოვრები ბავშვების თხოვნით, მალე ამ ქუჩაზე სტადიონი მოეწყობა.

„მისარია, რომ ბავშვები და ახალგაზრდები ინიციატივას იჩენენ და იღებენ გეზიარებენ, მით უმეტეს, როდესაც საკითხი სპორტსა და ჯანსაღი ცხოვრების წესის პოპულარიზაციას შეეხება. სურამი ერთ-ერთი გამორჩეული საკურორტო ზონაა, როგორც რეგიონისთვის, ისე მთლიანად ქვეყნისთვის. შესაბამისად, მნიშვნელოვანია ინფრასტრუქტურული თვალსაზრისით მაქსიმალურად მოწესრიგდეს, რაც კიდევ უფრო მეტად შეუწყობს ხელს დაბის საკურორტო პოტენციალის გაზრდას.“ - აღნიშნა რწმუნებულმა.



### ხაშურის მუნიციპალიტეტის საკრებულო

### განკარგულება #23

2021 წლის 13 მაისი, ხაშური

ხაშურის მუნიციპალიტეტის მერიის ზედამხედველობის სამსახურის მიერ 2020 წელს გაწეული საქმიანობის შესახებ ანგარიშის მოსმენისა და შეფასების შესახებ

ხაშურის მუნიციპალიტეტის საკრებულომ, 2021 წლის 23 მაისის სხდომაზე, ხაშურის მუნიციპალიტეტის საკრებულოს 2021 წლის მეორე კვარტლის სამუშაო გეგმის შესაბამისად, მოისმინა ხაშურის მუნიციპალიტეტის მერიის ზედამხედველობის სამსახურის მიერ 2020 წელს გაწეული მუშაობის შესახებ ანგარიში, რომელიც საკრებულოს მიერ შეფასდა დადებითად.

საქართველოს ორგანული კანონის „ადგილობრივი თვითმმართველობის კოდექსი“ 24-ე მუხლის 1-ლი პუნქტის „გ-ა“ ქვეპუნქტისა და 61-ე მუხლის 1-ლი და მე-2 პუნქტების შესაბამისად, ხაშურის მუნიციპალიტეტის საკრებულო ადგენს:

1. დადებითად იქნას შეფასებული ხაშურის მუნიციპალიტეტის მერიის ზედამხედველობის სამსახურის მიერ 2020 წელს გაწეული მუშაობის შესახებ ანგარიში.
  2. განკარგულება ძალაში შედის ხელმოწერისთანავე.
  3. განკარგულება გამოქვეყნდეს ხაშურის მუნიციპალიტეტის საკრებულოს ვებგვერდზე [www.khashuri.org.ge](http://www.khashuri.org.ge)
  4. განკარგულება შეიძლება გასაჩივრდეს დაინტერესებული პირის მიერ მისი გაცნობის დღიდან ერთი თვის განმავლობაში სარჩელის წარდგენის გზით, ხაშურის რაიონულ სასამართლოში (მისამართი: ხაშური, კოსტავას ქ. №15).
- მიხეილ ჯანაშვილი, საკრებულოს თავმჯდომარე

### ხაშურის მუნიციპალიტეტის მერიის ზედამხედველობის სამსახურის მიერ 2020 წელს გაწეული სამუშაოების ანგარიში

ხაშურის მუნიციპალიტეტის მერიის ზედამხედველობის სამსახური თავის საქმიანობას წარმართავს, „ადგილობრივი თვითმმართველობის კოდექსი“-ს, „საქართველოს სივრცის დაგეგმარების, არქიტექტურული და სამშენებლო საქმიანობის კოდექსი“-ს, „პროექტის უსაფრთხოების და თავისუფალი მიმოქცევის კოდექსი“-ს, „ადმინისტრაციულ სამართალდარღვევათა კოდექსი“-ს, „ნარჩენების მართვის კოდექსი“-ს, საქართველოს მთავრობის 2019 წლის 31 მაისის №255 დადგენილების „მშენებლობის ნებართვის გაცემისა და შენობა-ნაგებობის ექსპლუატაციაში მიღების წესისა და პირობების შესახებ“ ხაშურის მუნიციპალიტეტის მერიის 2017 წლის 4 დეკემბრის №44 დადგენილებისა (ზედამხედველობის სამსახურის დებულება) და სხვა მოქმედი კანონმდებლობის საფუძველზე.

2020 წელს, ხაშურის მუნიციპალიტეტის მერიის ზედამხედველობის სამსახურის კომპეტენციას მიკუთვნებულ საკითხებზე, ზედამხედველობის სამსახურის მიერ განხორციელებულ სამუშაოების შესახებ მოგახსენებთ შემდეგს:

2020 წელს სამართალდარღვევათა პრევენციის და გასატარებელ ღონისძიებათა მიზნით, ზედამხედველობის სამსახურის მიერ ხორციელდებოდა ეტაპობრივი შემოწმება, ხაშურის მუნიციპალიტეტის ტერიტორიაზე. მოქალაქეებს, პერიოდულად, განემართათ არქიტექტურულ-სამშენებლო საქმიანობის ზედამხედველობის განხორციელების შესახებ, სამშენებლო საქმიანობაში დარღვევის არსებობის შემთხვევაში, საქართველოს კანონი „საქართველოს სივრცის დაგეგმარების არქიტექტურული და სამშენებლო საქმიანობის კოდექსით“ და ადმინისტრაციულ სამართალდარღვევათა კოდექსით გათვალისწინებული საჯარიმო სანქციების შესახებ.

ზედამხედველობის სამსახურის მიერ, პრევენციის მიზნით, პროექტებს, რომელთაც მშენებლობის ნებართვის ვადები უმთავრდებოდა ვადის დასრულებამდე 2 თვით ადრე, გაეგზავნათ გაფრთხილებები, რომ თვალყური ადევნონ მშენებლობის ნებართვით განსაზღვრულ ვადებს, რათა მათ მიმართ მშენებლობის ვადის გაშვებამ არ გამოიწვიოს კანონით გათვალისწინებული საჯარიმო სანქციების გამოყენება. ამასთან ერთად, 2019 წლის 3 ივნისიდან კანონმდებლობით სავალდებულო გახდა, ( 2. 3. 4. კლასის მშენებლობებისთვის) მშენებლობის თითოეული ეტაპის შესრულების შესახებ ოქმის წარმოდგენა, მომავალში საჯარიმო სანქციების თავიდან აცილების მიზნით, ზედამხედველობის სამსახურის მიერ ხორციელდება გაფრთხილებების გაგზავნა ეტაპის ოქმის წარმოდგენასთან დაკავშირებით.

ზედამხედველობის სამსახური ახორციელებს საჯარო ზედამხედველობას, სამშენებლო/სანებართვო პირობების შესრულების, მშენებლობის უსაფრთხოების, უნებართვო მშენებლობის ან საქართველოს კანონმდებლობის დარღვევით განხორციელებული მშენებლობის გამოვლენას და სათანადო რეაგირებას.

სამშენებლო სამართალდარღვევის შესაძლო არსებობის შემთხვევაში, ზედამხედველობის სამსახური, საქმისწარმოებას იწყებს მითითების გაცემით, რომელიც წარმოადგენს სამშენებლო საქმიანობაზე დამრღვევის მიმართ გაცემულ შენიშვნას შეუსაბამობაზე და მოთხოვნას, რომლითაც განისაზღვრება გონივრული ვადა, რომლის ვადაშიც უნდა შესრულდეს მითითებით განსაზღვრული პირობები, სამშენებლო სამართალდარღვევის გამოსასწორებლად. კანონმდებლობით გათვალისწინებულ შემთხვევებში, ზედამხედველობის სამსახური უფლებამოსილია საქმისწარმოება დაიწყოს ასევე შემოწმების აქტით.

ზედამხედველობის სამსახურის მიერ, 2020 წელს, საქართველოს კანონი „პროექტის უსაფრთხოებისა და თავისუფალი მიმოქცევის კოდექსისა“ და საქართველოს კანონი „საქართველოს სივრცის დაგეგმარების არქიტექტურული და სამშენებლო

საქმიანობის კოდექსის“ შესაბამისად გაცემულ იქნა 9 მითითება და 17 შემოწმების აქტი.

საქართველოს კანონი „პროექტის უსაფრთხოებისა და თავისუფალი მიმოქცევის კოდექსისა“ და საქართველოს კანონი „საქართველოს სივრცის დაგეგმარების არქიტექტურული და სამშენებლო საქმიანობის კოდექსის“ შესაბამისად, იმ შემთხვევაში თუ სამშენებლო სამართალდარღვევის მიერ არ შესრულდა ზედამხედველობის სამსახურის მიერ გაცემული მითითება, ან შემოწმების აქტის დაწერის შემთხვევაში, არ გამოსწორდა (შესაძლებლობის შემთხვევაში) სამშენებლო სამართალდარღვევა, ზედამხედველობის ორგანო იღებს გადაწყვეტილებას სამშენებლო სამართალდარღვევის დაჯარიმების შესახებ, რის საფუძველზეც გამოიცემა დადგენილება. 2020 წელს გამოცემულია 15 დადგენილება დაჯარიმების შესახებ, ჯარიმების საერთო ოდენობა შეადგენს 12700 ლარს, რომელიც ბიუჯეტის სასარგებლოდ გადახდილია სრულად. აგრეთვე მოგახსენებთ, რომ 2021 წელს, ამ მომენტამდე, „საქართველოს სივრცის დაგეგმარების არქიტექტურული და სამშენებლო საქმიანობის კოდექსის“ და „პროექტის უსაფრთხოებისა და თავისუფალი მიმოქცევის კოდექსის“ შესაბამისად, გამოცემულია 7 დადგენილება დაჯარიმების შესახებ, ჯარიმების საერთო ოდენობა შეადგენს 4000 ლარს, აგრეთვე მიმდინარეობს 2 შესაძლო სამშენებლო სამართალდარღვევის ფაქტზე საქმისწარმოება, უნებართვო მშენებლობასთან დაკავშირებით.

ადმინისტრაციულ სამართალდარღვევათა კოდექსის და ნარჩენების მართვის კოდექსის დარღვევის ფაქტებზე ზედამხედველობის სამსახურის მიერ შედგენილია 6 სამართალდარღვევის ოქმი. აქედან 3 შემთხვევაში მოხდა სამართალდარღვევის დაჯარიმება (3000, 1000 და 500 ლარის ოდენობით), 3 შემთხვევაში მოქალაქეს მოსამართლის მიერ მიეცა გაფრთხილება.

ზედამხედველობის სამსახურის მიერ 2020 წელს ექსპლუატაციაში მიღებულ იქნა 47 მშენებლობადასრულებული ობიექტი, აქედან კომერციული ობიექტი არის 31, საცხოვრებელი 16.

ზედამხედველობის სამსახური ასევე ახორციელებს დასუფთავების მოსაკრებლის დარიცხვას. 2020 წელს დაემატა ახალი 21 გადახდელი, ხოლო დასუფთავების მოსაკრებლიდან შემოსულმა თანხამ შეადგინა 82 669 ლარი.

ზედამხედველობის სამსახურის სპეციალისტები ასევე მონაწილეობენ ბიუჯეტის სახსრებით შესყიდული სამშენებლო სამუშაოების ინსპექტირებაში, 2020 წლიდან დღემდე სულ დადებულია 100 ხელშეკრულება, ხელშეკრულების პირობების შესრულების ინსპექტირებას ახორციელებს ხაშურის მუნიციპალიტეტის მერიაში შექმნილი ინსპექტირების ჯგუფი.

2020 წლიდან დღემდე, საქართველოში ისევე როგორც მთელ მსოფლიოში არის კორონავირუსის პანდემია, პანდემიის მთელი პერიოდის მანძილზე ზედამხედველობის სამსახური აქტიურადაა ჩართული სხვადასხვა საქმიანობებში, მთავრობის დადგენილებების შესაბამისად, ზედამხედველობის სამსახური ახორციელებდა ყველა იმ ობიექტის საქმიანობის შემოწმებას, რომელიც შესამოწმებლად იგზავნებოდა ჯანდაცვის სამინისტროს მიერ, კერძოდ პანდემიის მანძილზე ზედამხედველობის სამსახურის მიერ შემოწმებული იქნა, სამშენებლო ობიექტები, სკოლები, საბითუმო დასაცალო ვაჭრობის ობიექტები, ავტოტექნიკის სასაქონლო ობიექტები, სასტუმროები, აგრარული ბაზარი, სიღამაზის სალონები და სხვა. შემოწმების პროცესში ადგილზე ივსებოდა შემოწმების აქტები და ზოგადი კითხვარი, ასევე ხდებოდა ფოტო მასალის გადაღება რომელიც ყოველდღიურ რეჟიმში იგზავნებოდა ჯანდაცვის სამინისტროში, გადაგზავნილი მასალების საფუძველზე ჯანდაცვის სამინისტრო იღებდა გადაწყვეტილებას შემოწმებული ობიექტისთვის საქმიანობის შეჩერების, ან ფუნქციონირების შესახებ. ამასთან ერთად საჭიროების შემთხვევაში, ზედამხედველობის სამსახური ახორციელებდა ფასების მონიტორინგს მთავრობის მიერ განსაზღვრულ ძირითად პროდუქტებზე.

ოთარ მახარაშვილი, მუნიციპალიტეტის მერიის ზედამხედველობის სამსახურის ხელმძღვანელი

- გენდერული თანასწორობა -

### პროექტი, რომელიც გადაწყვეტილებების მიღების პროცესში ქალთა როლს მნიშვნელოვნად გაზრდის

ხაშურის მუნიციპალიტეტის გენდერული თანასწორობის საბჭოს წევრები ევროკავშირის მიერ დაფინანსებული პროექტის - „გენდერული თანასწორობისა და ქალთა პოლიტიკური მონაწილეობის ხელშეწყობა საქართველოში“ ფარგლებში პროექტის ხელმძღვანელს, პატრიცია როსას შეხვდნენ.

შეხვედრაზე იმსჯელეს გადაწყვეტილების მიღების პროცესში ქალთა მონაწილეობის ხელშეწყობის საკანონმდებლო მექანიზმებსა და კულტურულ ასპექტებზე.

პროექტს ახორციელებს გერმანული საკონსულტაციო კომპანია GFA Consulting. პროექტი მიზნად ისახავს ხელი შეუწყოს გადაწყვეტილების მიღების პროცესში ქალთა მონაწილეობას შიდა ქართლის რეგიონში და დაეხმაროს ადგილობრივ გენდერულ საბჭოებს ქალთა ცნობიერების ამაღლებისა და გაძლიერებისკენ მიმართულ საქმიანობაში.



### პროექტის - „განახლებული რეგიონები“ - ფარგლებში კომისიებმა კონკრეტული მდებარეობები შეარჩიეს

შიდა ქართლის მუნიციპალიტეტების ურბანული განახლებისთვის მდებარეობები პრემიერ-მინისტრის ინიციატივით დაწყებული სახელმწიფო პროგრამის „განახლებული რეგიონები“ ფარგლებში სპეციალურმა კომისიამ ამ დღეებში შეარჩია.

რეგიონის 4 მუნიციპალიტეტის მიერ წარმოდგენილი წინადადებებიდან, პირველ ეტაპზე, შეირჩა: გორის მუნიციპალიტეტში (ცენტრალური (სტალინის) გამზირი, კასპის მუნიციპალიტეტში - ქალაქის ცენტრი და გიორგი სააკაძის სახელობის სკვერი, ქარელის მუნიციპალიტეტში - ჭავჭავაძის, თამარ მეფის და ნინოშვილის ქუჩები, ხოლო ხაშურის მუნიციპალიტეტში - ცენტრალური მოედანი და მიმდებარე



#### ტერიტორია

ქალაქ გორში კომისიის სხდომას რეგიონული განვითარებისა და ინფრასტრუქტურის მინისტრი ირაკლი ქარსელაძე, სახელმწიფო რწმუნებული შიდა ქართლის მხარეში მამუკა საღარეიშვილი, ინფრასტრუქტურის მინისტრის მოადგილეები და რეგიონის მუნიციპალიტეტების წარმომადგენლები ესწრებოდნენ

„უკვე 8 რეგიონი მოვიარეთ და კომისიის სხდომები ჩავატარეთ, რაც უმნიშვნელოვანესი ეტაპია პროგრამის წარმატებით განხორციელებისთვის. განსავითარებელი არეალები ყველგან წარმოდგინეს მუნიციპალიტეტებმა, ანუ იმ ადამიანებმა, ვისაც კარგად ესმის ადგილზე არსებული საჭიროება და გამოწვევები. რა თქმა უნდა, საჭიროება ბევრად მეტია, ვიდრე ამას პირველი ეტაპი მოიცავს, თუმცა, ეს არის ის დასაწყისი, რომელიც ძალიან დიდ მუხტს მისცემს როგორც მოსახლეობას, ისე - ვიზიტორებს. პროგრამის მიზანია მუნიციპალიტეტებში სოციალურ-ეკონომიკური გარემოს თვისობრივი განახლება, განვითარება და რეალურად ახალი შესაძლებლობების გაჩენა, რათა მაქსიმალურ ინკლუზიურობას მივაღწიოთ,“ - აღნიშნა ირაკლი ქარსელაძემ.

პროგრამის ფარგლებში, კომისიის სხდომები უკვე გაიმართა დასავლეთ საქართველოს ყველა რეგიონში და აღმოსავლეთ საქართველოს 4 რეგიონში - კახეთში, მცხეთა-მთიანეთში, ქვემო ქართლსა და შიდა ქართლში.

ტენდერები უკვე ყველა მუნიციპალიტეტისათვის გამოცხადდა. ტენდერების შედეგად, გამოვლინდება საპროექტო და სამშენებლო კომპანიები, რომლებიც მოამზადებენ სპეციალური კომისიის მიერ შერჩეული ობიექტების ურბანული განახლების პროექტებს და შეასრულებენ ამავე დოკუმენტაციით განსაზღვრულ სამშენებლო-სარეაბილიტაციო სამუშაოებს

„განახლებული რეგიონების“ სახელმწიფო პროგრამა 4-წლიანია და საქართველოს 63 მუნიციპალიტეტს მოიცავს. პროგრამის მხოლოდ პირველი ეტაპის საორიენტაციო ღირებულება 500 მილიონი ლარია და ითვალისწინებს რეგიონების ურბანულ განახლებას, რაც სხვადასხვა მნიშვნელოვანი ობიექტის/მდებარეობების განვითარებას გულისხმობს.

პროექტები განხორციელდება როგორც სახელმწიფო ბიუჯეტის დაფინანსებით, ისე საერთაშორისო საფინანსო ინსტიტუტების მხარდაჭერით.

### ტაშისკარი-ქვიშხეთის დამაკავშირებელი საავტომობილო გზის რეაბილიტაცია დასრულდა

პროექტის ფარგლებში დაიგო ასფალტის საფარი, მოეწყო სანიადვრე სისტემა და საგზაო მონიშვნები.

ქვიშხეთი და ტაშისკარი ხაშურის მუნიციპალიტეტში მნიშვნელოვანი საკურორტო ზონებია. შესაბამისად, მოწესრიგებული საგზაო



ინფრასტრუქტურა ხელს შეუწყობს 1000-ზე მეტი ადგილობრივისათვის დამსვენებლის უსაფრთხო და კომფორტულ გადაადგილებას.

სამუშაოები ადგილობრივი ბიუჯეტიდან დაფინანსდა და ჯამში ერთ მილიონ ლარზე მეტი დაჯდა.



### დაბა სურამში თაყაიშვილის ქუჩის რეაბილიტაცია მიმდინარეობს

ხაშურის მუნიციპალიტეტის დაბა სურამში საგზაო ინფრასტრუქტურის მოწესრიგება მიმდინარეობს. კერძოდ, ადგილობრივი ბიუჯეტის დაფინანსებით თაყაიშვილის ქუჩაზე საავტომობილო გზის რეაბილიტაცია უტარდება, რომლის ფარგლებშიც დაიგება ასფალტის საფარი და მოეწყო სანიადვრე სისტემა. პროექტის ღირებულება 200 000 ლარამდეა განსაზღვრული და მიმდინარე წლის ზაფხულში დასრულდება. სამუშაოებს შიდა ქართლის სახელმწიფო რწმუნებული მამუკა საღარეიშვილი გაეცნო და აღნიშნა, რომ მალე დაბა სურამში არაერთი ქუჩა სრულად იქნება რეაბილიტირებული, ეს კი მნიშვნელოვნად გააუმჯობესებს როგორც ადგილობრივების, ისე დამსვენებლების პირობებს.



# საგანისუბანს კეთილმოწყობილი გზა დაამუშავეს




საშურის მუნიციპალიტეტის ქვიშხეთის ადმინისტრაციულ ერთეულში, სოფელ საგანისუბანამდე მისასვლელი გზის რეაბილიტაცია მიმდინარეობს.

ამ ეტაპზე ხორციელდება ასფალტის საფარის პირველი ფენის დაგება, პროექტის ფარგლებში გათვალისწინებულია ასფალტის საფარის ორი ფენის დაგება და სანიაღვრე არხების მოწყობა.

აღნიშნული გზით 900-ზე მეტი ადგილობრივი მაცხოვრებელი და სტუმარი ისარგებლებს, რაც მათ საყოფაცხოვრებო პირობებს მკვეთრად გააუმჯობესებს.

პროექტი სახელმწიფო და ადგილობრივი ბიუჯეტის თანადაფინანსებით ხორციელდება და 674 229 ლარს ითვლის.

სოფელ საგანისუბანამდე მისასვლელი გზის მოწყობა, უახლოეს პერიოდში დასრულდება.



- კოვიდ - 19 -

# საშურში იმუნიზაციის პროცესი აქტიურ ფაზაშია, თუმცა სასურველ დონემდე ჯერ ვერ მივდივართ

როგორია ეპიდსიტუაცია საშურის მუნიციპალიტეტში, ზრდადია თუ კლებადი კოვიდ სტატისტიკა ქალაქში, აღმავალია თუ დაღმავალი პანდემიის მესამე ტალღის მიმდინარეობა... საშურში არსებულ ეპიდსიტუაციაზე და ვირუსის გავრცელების გაზრდილ და აწ უკვე კლებად მაჩვენებელზე საშურის მუნიციპალიტეტის საზოგადოებრივი ჯანდაცვის ცენტრის დირექტორის დავით ჩიქოვანის მიერ მოწოდებულ მორიგ, აქტუალურ ინფორმაციას გთავაზობთ:

– მდგომარეობა ისე, როგორც მთელს ქვეყანაში, ჩვენს მუნიციპალიტეტშიც ანალოგიურია. კოვიდ შემთხვევების მატება დაფიქსირდა ადგილობრივ შემდგომ პერიოდში, რაც სავარაუდოდ უკავშირდება მოსახლეობის მიგრაციას, როდესაც სხვადასხვა რაიონებიდან ხალხი ჩამოვიდა საშურის რაიონში... იყო საგრძნობი მატება მაისის 12-13 რიცხვებში, რის შემდგომ შეინიშნება კოვიდ 19-ით დაინფიცირების შემთხვევების კლება, ყოველდღე დაახლოებით 6-7 დარეგისტრირებული დადებითი შემთხვევა გვაქვს. სტატისტიკასაც რომ



გ ა დ ა ვ ა ვ ლ ო თ თვალი, დღეის მდგომარეობით 125 შემთხვევაა აქტიური, რადროსაც ნაწილი განთავსებულია სტაციონარულ მკურნალობაზე ქარელის, გორის, საშურის რეფერალურ საავადმყოფოებში, 100-მდე შემთხვევის დროს კი ინფიცირებულები

შეუძლებელია შესაბამის ელექტრონულ პროგრამებში ვაქცინაციის მსურველთა რეგისტრაციაც კი. პარალელურად, დღესაც მიმდინარეობს „სინოფარმის“ და „ასტრაზენეკას“ ვაქცინით აცრა. ველოდებით ვაქცინების შესაბამისი მარაგების შევსებას. დღის განმავლობაში „სინოფარმით“ დაახლოებით 40 პირი იცრება, იგივე რაოდენობა იცრება „ასტრაზენეკას“ ვაქცინითაც. დაწყებულია მეორადი აცრებიც. ჯანდაცვის ორგანიზაციის მიერ გაცემული შესაბამისი რეკომენდაციის შემდგომ, იგეგმება ჩინური „სინოვაკის“ ჩაშვებაც იმუნიზაციის პროცესში.

ვაქცინირებული პაციენტი 100 პროცენტით დაცულია, რომ თუნდაც დაინფიცირების შემთხვევაში არ მოხვდება სტაციონარში და სიტუაცია არ დასრულდება ლეტალურად. მისთვის დამახასიათებელი იქნება კოვიდ 19-ის ვირუსის მსუბუქი მიმდინარეობა. ასევე აღსანიშნავია, რომ საშურში მიმდინარე ვაქცინაციის პროცესში არ გამოვლენილა იმუნიზაციის შემდგომი სერიოზული სახის გართულებები.

საშურის მუნიციპალიტეტის საზოგადოებრივი ჯანდაცვის ცენტრის დირექტორი დავით ჩიქოვანი მოსახლეობას კვლავ მოუწოდებს მაღალი სამოქალაქო პასუხისმგებლობისაკენ და სთხოვს მათ მაქსიმალურად დაიცვან ქვეყანაში არსებული რეგულაციები. კიდევ ერთხელ აღნიშნავს, რომ ვაქცინაციის პროცესთან ერთად უმნიშვნელოვანესია პირბადის ტარება და დისტანციის დაცვა.

დავით ჩიქოვანი: -- იმუნიზაციის პროცესი იმდენად გააქტიურდა, რომ ხშირად



მკურნალობენ ბინაზე. სტაციონარში მოთავსებულია მეტწილად ასაკოვანი პაციენტები. საშუალოდ, გვაქვს ერთი ლეტალური შემთხვევა, პაციენტი რამდენიმე დღის წინ, სტაციონარში ხანგრძლივი მკურნალობის მიუხედავად, გარდაიცვალა.

საშურია მუნიციპალიტეტში საზოგადოებრივი ჯანდაცვის ცენტრის მიერ მოწოდებული კოვიდ შემთხვევების რაოდენობრივი სტატისტიკა ასე გამოიყურება: პანდემიის დაწყებიდან დღემდე საშურში დარეგისტრირდა 2640 შემთხვევა. გამოჯანმრთელებულია 2465 პაციენტი, გარდაიცვალა 44. ამჟამად, როგორც ქვეყნის მთავარი ეპიდემიოლოგები აღნიშნავენ, საშურშიც მესამე ტალღის დაღმავალ ფაზაზე ვართ, რის გამოც შემსუბუქდა ქვეყანაში მოქმედი რეგულაციებიც. თუმცა, შემთხვევები, როდესაც წერტილოვანი შეზღუდვების საჭიროებაა, კვლავაც აქტუალურია...

დავით ჩიქოვანი: -- კოვიდ ინფიცირების საყურადღებო შემთხვევები დაფიქსირდა საშურის მე-3 საბავშვო ბაღსა და მე-6 და მე-4 საჯარო სკოლებში. ეპიდსიტუაციიდან გამომდინარე, სკოლები საშურის საგანმანათლებლო რესურსცენტრთან შეთანხმებით, სრულად გადავიდნენ დისტანციურ სწავლებაზე, საბავშვო ბაღი კი 31 მაისამდე დაიხურა და გადავიდნენ იზოლაციაში.

ჩვეულ რეჟიმში მიმდინარეობს „პი სი არ“ ტესტირების გეგმიური პროცესიც დადგენილებით განსაზღვრულ დაწესებულებებში განსაზღვრულ დროში. შედეგად, ბოლო ერთი თვის განმავლობაში, დადებითი შემთხვევები არ გამოვლენილა. გააქტირდა იმუნიზაციის პროცესიც.

დავით ჩიქოვანი: -- იმუნიზაციის პროცესი იმდენად გააქტიურდა, რომ ხშირად



# რა აშენდება სურამის ტერიტორიაზე, რომელიც პროექტის - "100 საინვესტიციო შეთავაზება ბიზნესს" ფარგლებში გაიყიდა

პროგრამის „100 საინვესტიციო შეთავაზება ბიზნესს“ ფარგლებში, დაბა სურამის ტერიტორიაზე, ყოფილი დიმიტროვის ბაღში, 6 ჰექტარი მიწის ნაკვეთი „ოუქლენდმა“ შეიძინა.



აღნიშნულ ტერიტორიაზე კომპანია დასასვენებელ-საცხოვრებელ კომპლექსს ააშენებს.

„ოუქლენდის“ დირექტორის დავით უმეკაშვილის თქმით, აღნიშნული მიწის ნაკვეთი იყო მიტოვებული, ამასთან, გადაშენების პირას მყოფი ტყის მასივი. თუმცა, კომპანიამ, სპეციალისტების ჩარევით, შეიმუშავა დეტალური გეგმა, თუ როგორ უნდა გაჯანსაღდეს და შეინარჩუნოს ტერიტორიამ უნიკალურობა.

მისივე ინფორმაციით, დასასვენებელ-საცხოვრებელი კომპლექსის მშენებლობის საინვესტიციო მოცულობა, დაახლოებით, 7 მილიონი აშშ დოლარი იქნება. პროექტის ფარგლებში კი, მუდმივ სამუშაო ადგილს 40-მდე ადგილობრივი მიიღებს.

როგორც „ოუქლენდის“ დირექტორი აღნიშნავს, პროექტის ძირითადი ვერსია უკვე დასრულებულია, თუმცა არქიტექტორები მუშაობას აგრძელებენ და შესაძლოა, საბოლოოდ, მცირედი ცვლილებები (თუმცა, არა რადიკალური) კვლავ შევიდეს.

დავით უმეკაშვილის თქმით, პროექტის მშენებლობა, სავარაუდოდ, ზაფხულში დაიწყება და 2 წელში დასრულდება. ცნობისთვის, კომპანია „ოუქლენდი“ 2020 წლის ივნისში დარეგისტრირდა. მისი 100%-იანი წილის მფლობელი კი ეკატერინე გაჩეჩილაძეა.



## ოჯახის სიწმინდის დღეს თხუთმეტმა წევრი დაიწერა ჯვარი

„ქრისტიანული ოჯახი უფლის სავანეა, უფლის ბაღია, რომელშიც ცოლსაც და ქმარსაც დაედგინათ მუშაკობა ღვთის სადიდებლად“ ილია მეორე



საქართველოს პატრიარქის, უწმინდესისა და უნეტარესის ილია II-ის და საპატრიარქოს ჩოხოსანთა ინიციატივით, საყოველთაო ჯვრისწერის ტრადიციას 2016 წელს ჩაეყარა საფუძველი.

ოჯახის სიწმინდის დღესთან დაკავშირებით, უჩვეულო გამოცოცხლებაა ხაშურის იოანე ნათლისმცემლის სახელობის ტაძარში. ეროვნულ სამოსში გამოწყობილი ახალგაზრდები, სხვადასხვა ასაკის წევრი - საყოველთაო ჯვრისწერის მოლოდინშია. წირვის დასრულების შემდეგ, ტაძრის წინამძღვარმა, დეკანოზმა მამა ალექსიმ (ახალკაცი), მამა ნიკოლოზთან (ბითაძე)

ერთად, 15 წევრს დაწერა ჯვარი, მათგან ყველაზე ხანდაზმული 80 წლისაა. ჯვარი დაიწერა ჩოხოსანმა, ხცისის საჯარო სკოლის დირექტორმა ლელა ქვრივიშვილმაც, რომელიც ახლახან შეუღლდა. ჯვარდაწერილ წევრებს საჩუქრად გადაეცათ პატრიარქის ეპისტოლე და ოჯახის მფარველი ხატი, ისინი დალოცა უწმინდესმა.

დღესასწაულის ზენიტი - ხმლების ქვეშ, მრავალჯამიერის ფონზე გატარებული ჯვარდაწერილი წევრები. ჭეშმარიტი ზეიმი, ბედნიერი სახეები, გულით მიძღვნილი სურვილები.

ამ დღის ღირსეულად აღნიშვნას, ხაშურის სადროშოს ჩოხოსანებთან ერთად, ყოველწლიურად ხელმძღვანელობს ჯვრისწერის სამსახურის უფროსი ფირან ღონდაძე. წლებგანდელ ჯვრისწერას კი განსაკუთრებული სიბილი შემატა გომის სადროშოს საორგანიზაციო სამსახურის ხელმძღვანელის ირმა კაპანაძის მონდომებამ და აქტიურობამ.

ვულოცავთ ყველა ჯვარდაწერილ წევრს და სრულიად საქართველოს ოჯახის სიწმინდის დღეს! ვუსურვებთ ძლიერ, მტკიცე და სიყვარულით შედუღებულ ოჯახებს!

### ვულოცავთ!

ხაშურის სიგნალიზაციის ცენტრალიზაციისა და ბლოკირების სამმართველოს ადმინისტრაცია და მთელი კოლექტივი ულოცავს ამავე სამმართველოს მთავარ ბუღალტერს ქალბატონ ნინო ხომერის 60 წლის იუბილეს.

ვუსურვებთ ჯანმრთელობას, წარმატებებს პროფესიულ საქმიანობაში, სიმრავლეს და სიძლიერეს ოჯახში.

იგი ათეული წლების განმავლობაში წარმატებით უძღვება ამ სამმართველოს ფინანსურ საქმიანობას, რითაც დიდი წვლილი შეაქვს სს„საქართველოს რკინიგზის“ შეუფერხებელ და გამართულ მუშაობაში, მას მიღებული აქვს არაერთი მაღლობა ხელმძღვანელობისაგან.

ქალბატონო ნინო, გისურვებთ, კიდევ მრავალი წელი გვემრომოს ერთად ქვეყნის, სს„საქართველოს რკინიგზის“ და ჩვენი ოჯახების საკეთილდღეოდ.



D საქართველოს პედაგოგთა და მეცნიერთა თავისუფალი პროფკავშირის ხაშურის რაიონული ორგანიზაცია, თავმჯდომარე ინეზა ელისაშვილი სამიძიმარს უცხადებს ხაშურის #3 საჯარო სკოლის პედაგოგს ნინო ლაბაძეს მეუღლის დავით ლაბაძის გარდაცვალების გამო.

ა(ა)იპ ხაშურის მუნიციპალიტეტის გაზეთი „ხაშურის მოამბე“. დირექტორი გიორგი გოგალაძე, მისამართი: ხაშური, ტაბიძის ქუჩა №2. ტელეფონი: 24 30 27. E-mail Khashurismoambe2015@gmail.com მიმღების დასახელება: ხაზინის ერთიანი ანგარიში, საიდენტიფიკაციო კოდი 443860984, სახელმწიფო ხაზინა TRESGE22, სახაზინო კოდი: 749547499. D-ით მონიშნული სტატია იბეჭდება დაკვეთით გაზეთი იბეჭდება თბილისში.